

VENDIM
Nr. 523, datë 13.7.2016

**PËR PËRCAKTIMIN E KRITEREVE TË
TREGTIMIT E CERTIFIKIMIT TË
MATERIALEVE TË SHUMËZIMIT DHE
TË FIDANËVE TË BIMËVE
ZBUKURUESE¹**

Në mbështetje të nenit 100 të Kushtetutës dhe të neneve 4, pika 9, 14, pika 3, dhe 15, pika 3, të ligjit nr. 10416, datë 7.4.2011, “Për materialin mbjellës dhe shumëzues bimor”, me propozimin e ministrit të Bujqësisë, Zhvillimit Rural dhe Administrimit të Ujërave dhe ministrit të Mjedisit, Këshilli i Ministrave

VENDOSI:

I. DISPOZITA TË PËRGJITHSHME

I.1 Qëllimi dhe zbatimi

1. Qëllimi i këtij vendimi është që të përcaktojë kërkesat në lidhje me prodhimin e tregtimit e materialeve të shumëzimit dhe të fidanëve të bimëve zbukuruese, kërkesat për furnizuesit, për paketimin dhe etiketimin, si dhe kërkesat e procedurat e kryerjes së certifikimit.

2. Ky vendim zbatohet për gjinitë dhe speciet e listuara në aneksin 1, bashkëlidhur këtij vendimi, si dhe për hibridet dhe nënshartesat e tyre.

¹ Ky vendim është përafshuar pjesërisht me:

- Nr. CELEX: 01998L0056, nr. natyral: 98/56/EC, lloji i aktit: direktivë, institucioni që e ka miratuar: Këshilli Evropian, data e miratimit: 20 korrik 1998, titulli i plotë: “Për tregtimin e materialit shumëzues të bimëve zbukuruese”. Numri i Fletores Zyrtare: L 226, e ndryshuar së fundi nga:

- Nr. CELEX: 32014R0652, nr. natyral: 652/2014, lloji i aktit: rregullore, institucioni që e ka miratuar: Parlamenti dhe Këshilli Evropian, data e miratimit: 15 maj 2014, titulli i plotë: që parashtron dispozitat për menaxhimin e shpenzimeve në lidhje me zinxhirin ushqimor, shëndetin dhe mbarështimin e kafshëve, në lidhje me shëndetin e bimëve dhe materialit riprodhues bimor. Numri i Fletores Zyrtare: L 189.

- Nr. CELEX: 31993L0049, nr. natyral: 93/49/EEC, lloji i aktit: direktivë, institucioni që e ka miratuar: Komisioni Evropian, data e miratimit: 23 qershor 1993, titulli i plotë që përcakton programin i cili tregon kushtet që duhet të plotësohen nga materiali shumëzues i bimëve zbukuruese dhe nga bimët zbukuruese, në përputhje me direktivën e Këshillit 91/682/EEC. Numri i Fletores Zyrtare: L 250.

- Nr. CELEX: 31999L0066, nr. natyral: 99/66/EC, lloji i aktit: direktivë, institucioni që e ka miratuar: Komisioni Evropian, data e miratimit: 28 qershor 1999, titulli i plotë që përcakton kërkesat se si etiketa ose dokumentet e tjera përgatiten nga furnizuesi në përputhje me direktivën e Këshillit 98/56/EC. Numri i Fletores Zyrtare: L 164.

I.2 Përkufizime

Të gjithë termat e përcaktuar në ligjin nr. 10416, datë 7.4.2011, “Për materialin mbjellës dhe shumëzues bimor”, kanë të njëjtin kuptim edhe në këtë vendim, ndërsa termat e mëposhtëm nënkuptojnë:

1. “Bimë zbukuruese”, bimët që kultivohen për pamjen e tyre tërheqëse dhe që shërbejnë për zbukurimin e kopshteve, mjediseve të banuara, për krijimin e peizazheve të projektuara dhe për lule të prera, për krijimin e buqetave.

2. “Material shumëzimi”, materiali bimor i destinuar për shumëzimin e bimëve zbukuruese ose prodhimin e bimëve zbukuruese (fidanëve), të destinuara për tregtim të mëtejshëm, të tilla si:

a) farëra për prodhim fidanësh direkt ose për prodhim filizash për nënshartesa;

b) bulbe, qafë rrënje dhe zhardhokë, për prodhim bimësh direkt;

c) filiza dhe copa për nënshartesa;

ç) fundakë, kamza, lastunja dhe kalema për rrënjëzim, për prodhim fidanësh direkt;

d) kalema për shartim dhe sytha për shartim, si mbishartesë, për fidanë të shartuar;

dh) meristema rritje për shtim *in vitro*, për prodhim nënshartesash ose dhe mbishartesash, ose dhe fidanësh.

3. “Fidanë”, bimë zbukuruese, të prejdardhura nga materialet e shumëzimit, të certifikuar sipas këtij vendimi, të cilët, pas tregtimit të tyre, destinohen për mbjellje ose rimbjellje në vendin e përhershëm.

4. “Bllok mëmë”, plantacioni i mbjellë me bimë zbukuruese shumëvjeçare, i destinuar për marrjen e materialit shumëzues që plotëson kërkesat e këtij vendimi.

5 “Parcelë për farë”, plantacioni i mbjellë me bimë zbukuruese njëvjeçare, që plotësojnë kërkesat e këtij vendimi, të destinuara për prodhim fare.

6. “Fidanishte”, vendi i prodhimit të materialeve të shumëzimit (përveç farës) dhe fidanëve të bimëve zbukuruese, që plotësojnë kërkesat e këtij vendimi për tregtim.

7. “Materiale shumëzimi dhe fidanë të certifikuar”, materialet e shumëzimit dhe fidanët e pajisur me certifikatë zyrtare, që vërteton identitetin, pastërtinë varietore dhe pastërtinë fitosanitare nga organizmat dhe sëmundjet e dëmshëm, të listuar në aneksin 2 bashkëlidhur këtij vendimi.

8. “Shumëzim”, riprodhimi me mënyrë vegetative ose mënyra të tjera, i bimëve zbukuruese.

9. “Ngarkesë”, sasia ose numri i njërive të materialeve të shumëzimit dhe fidanëve, të përbërë nga një ose më shumë lote, që transportohen së bashku.

10. “Numër i referencës së lotit” ose “numër i referencës së ngarkesës”, çdo shenjë numerike ose alfanumerike, e cila mundëson që lotet ose ngarkesat të dallohen dhe të gjurmohen.

11. “Organizmat e dëmshëm karantinorë”, organizmat që specifikohen në legjislacionin në fuqi për mbrojtjen e bimëve, futja dhe përhapja e të cilave ndalohet.

12. “Identitet varietor”, tërësia e veçorive botanike, morfologjike, biologjike dhe agroteknologjike që zotëron një varietet, vlera e të cilit është e njohur dhe plotëson qëllimet e përdorimit.

13. “Pastërti varietore”, kërkesa për gjendjen e materialeve të shumëzimit dhe fidanëve të bimëve zbukuruese pa përzierje me varietete e specie që nuk janë deklaruar në dokumentacionin përkatës ose dhe nuk janë shënuar si të tilla.

14. “Pastërti shëndetësore”, kërkesa për gjendjen e materialeve të shumëzimit dhe fidanëve të bimëve zbukuruese pa infeksione ose dhe pa simptoma të organizmave e të sëmundjeve të dëmshëm, të listuar në aneksin 2 të këtij vendimi dhe në legjislacionin për mbrojtjen e bimëve.

15. “Treguesit e cilësisë”, kërkesat që duhen plotësuar nga materialet e shumëzimit dhe fidanët e bimëve zbukuruese në lidhje me cilësinë e anës pamore dhe zhvillimin e tyre, në funksion të përdorimit.

16. “Person përgjegjës i kualifikuar”, çdo person, fizik ose juridik, me profesion agronom ose inxhinier për mbarëshkrimin e pyjeve, me arsim të lartë, në cilësinë e furnizuesit ose i punësuar prej tij, dhe që ka aktpërfaqësimi nga furnizuesi për të vepruar në emër të tij për detyrimet që rrjedhin nga ligji nr. 10416, datë 7.4.2011, “Për materialin mbjellës dhe shumëzues bimor”, të ndryshuar.

II. KËRKESAT PËR TREGTIMIN E MATERIALEVE TË SHUMËZIMIT DHE FIDANËVE

1. Materialet e shumëzimit dhe fidanët e bimëve zbukuruese mund të tregtohen, nëse:

a) u përkasin varieteteve ose hibrideve ndërvarietore apo, në rastin e nënshartesave, u përkasin specieve ose hibrideve ndërmjet specieve, të

regjistruara në katalogun kombëtar;

b) plotësojnë kërkesat e përcaktuara në legjislacionin në fuqi për mbrojtjen e bimëve dhe janë të pastër nga organizmat dhe sëmundjet e dëmshëm, të listuar, për çdo specie, në aneksin 2 bashkëngjitur këtij vendimi;

c) plotësojnë kërkesat e përcaktuara në shkronjat “c”, “ç” dhe “d”, të pikës 2, të këtij kreu, për treguesit e cilësisë, identitetin dhe pastërtinë varietore;

ç) janë paketuar dhe etiketuar në përputhje me kërkesat e përcaktuara në aneksin 3, bashkëngjitur këtij vendimi;

d) janë pajisur me certifikatë fitosanitare, sipas modelit të përcaktuar në legjislacionin në fuqi për mbrojtjen e bimëve dhe me certifikatë zyrtare, të lëshuar nga autoriteti certifikues, sipas modeleve 2 dhe 3, të aneksit 4, bashkëngjitur këtij vendimi.

2. Kërkesat e mësipërme vlerësohen të plotësuara nëse, gjatë verifikimeve të kryera nga furnizuesi, në përputhje me planin e prodhimit dhe nga mbikëqyrjet e kryera nga inspektori fitosanitar e nga autoriteti certifikues, sipas rregullave të përcaktuara në këtë vendim, është vendosur se:

a) nga ana pamore, materialet e shumëzimit dhe fidanët janë të pastër nga organizmat dhe sëmundjet karantinorë ose ndonjë shenjë apo simptomë e tyre;

b) gjatë sezonit të rritjes, materialet e shumëzimit dhe/ose fidanët kanë rezultuar të pastër nga organizmat dhe sëmundjet e dëmshëm, që dëmtojnë cilësinë, të listuara në aneksin 2 të këtij vendimi;

c) në lidhje me treguesit e cilësisë, materialet e shumëzimit dhe/ose fidanët e bimëve zbukuruese, nga ana pamore, kanë zhvillim dhe dimensione të kënaqshme për përdorim dhe nuk kanë defekte që dëmtojnë cilësinë ose që ulin vlerën e përdorimit;

ç) në lidhje me identitetin varietor, nga ana pamore, varieteti dallohet nga veçoritë botanike, morfologjike, biologjike e agroteknologjike dhe plotëson qëllimin e përdorimit;

d) në lidhje me pastërtinë varietore, plotësohen kërkesat e përcaktuara në pikën 2, të kreut III, të këtij vendimi, për mbajtjen të papërziera të varieteteve dhe specieve të materialeve të shumëzimit e fidanëve të bimëve zbukuruese;

dh) në rastin e farërave, nga ana pamore kanë pamje dhe zhvillim të kënaqshëm.

3. Materialet e shumëzimit dhe fidanët që tregojnë shenja ose simptoma të dukshme të organizmave dhe sëmundjeve të dëmshëm, të listuar në aneksin 2 të këtij vendimi, trajtohen menjëherë dhe, nëse kërkesat për pastërtinë nga organizmat dhe sëmundjet e dëmshëm përsëri nuk mund të plotësohen, materialet e shumëzimit ose dhe fidanët hiqen dhe shkatërrohen.

4. Përveç kërkesave të përcaktuara në pikën 2 të këtij kreu, materialet shumëzuese dhe fidanët e specieve të gjinisë *Citrus L.* duhet të plotësojnë edhe kërkesat e mëposhtme:

a) Të kenë prejardhje nga material fillestar, që është kontrolluar dhe është konstatuar se nuk tregon simptoma të ndonjë virusi ose organizmi të ngjashëm me viruset;

b) Të jenë kontrolluar dhe gjetur se janë të pastër nga viruset ose nga organizmat e ngjashëm me viruset që nga fillimi deri në fund të ciklit të fundit të vegjetacionit;

c) Në rastin e shartimit, materiali shumëzues të jetë shartuar mbi nënshartesë rezistente ndaj virozave;

ç) Të jenë certifikuar në përputhje me kërkesat dhe sipas procedurave të përcaktuara për materialet e shumëzimit dhe fidanët e bimëve drufrutore, sipas legjislacionit në fuqi.

5. Përveç kërkesave të përcaktuara në pikën 2 të këtij kreu, në rastin e bulbeve dhe zhardhokëve të luleve, materialet e shumëzimit dhe fidanët duhet të kenë prejardhje të drejtpërdrejtë nga një material, i cili, gjatë fazës së rritjes, është kontrolluar dhe ka rezultuar i pastër nga organizmat dhe sëmundjet karantinorë, si dhe nga organizmat dhe sëmundjet e dëmshëm, të listuar në aneksin 2 të këtij vendimi.

6. Me përjashtim të kërkesës të përcaktuar në shkronjën “a”, të pikës 2, të këtij kreu, kërkesat e mësipërme nuk zbatohen për materialet e shumëzimit dhe fidanët e destinuar për prova krahasimi e për qëllime shkencore.

III. KËRKESAT PËR FURNIZUESIT

1. Furnizuesit që prodhojnë, përgatisin për treg, importojnë dhe/ose tregtojnë materiale shumëzimi dhe fidanë të bimëve zbukuruese, duhet të plotësojnë kërkesat e mëposhtme:

a) Të jenë të regjistruar dhe të licencuar në përputhje me legjislacionin përkatës në fuqi;

b) Të regjistrohen në regjistrin e furnizuesve, që mbahet nga autoriteti certifikues;

c) Të regjistrohen në regjistrin e mbajtësve të bimëve të caktuara, produkteve bimore dhe objekteve të rregulluara për qëllimet e shëndetit të bimëve, sipas legjislacionit në fuqi për mbrojtjen e shëndetit të bimëve;

ç) Kur është e nevojshme, të autorizohen nga struktura përkatëse e mbrojtjes së bimëve për lëshimin e pasaportës bimore, në përputhje me legjislacionin në fuqi për mbrojtjen e bimëve.

2. Furnizuesit sigurojnë përputhshmërinë e materialeve të shumëzimit dhe/ose të fidanëve me kërkesat e këtij vendimi, duke përmbushur detyrimet e mëposhtme:

a) Të kenë planin e prodhimit, i cili të përmbajë informacion për shqyrtim, kur kërkohet nga organi përgjegjës zyrtar për monitorimin, si më poshtë vijon:

i) Një kopje të planimetrisë kadastrale të vendndodhjes së veprimtarisë së furnizuesit, ku tregohen me saktësi objektet dhe fushat e tokës bujqësore që përdoren për prodhimin e materialeve të shumëzimit dhe/ose të fidanëve, duke përfshirë edhe zonën mbrojtëse përkatëse;

ii) Planin e mbjelljes;

iii) Planin teknologjik;

iv) Planin për kryerjen e identifikimit dhe mbikëqyrjes së organizmave të dëmshëm në bimët, që ndikojnë në cilësinë e materialit, në objektet dhe në tokën ku materialet e shumëzimit dhe/ose fidanët prodhohen ose përgatiten për treg;

b) Në mënyrë të përshtatshme, sipas planit të prodhimit, të përcaktuar në shkronjën “a” të kësaj pike, të kryejnë:

i) procedurat e planifikuara teknologjike dhe të mbajnë të dhënat për zbatimin e tyre, sipas datave dhe llojit të procedurës ose detyrat e kryera dhe metodën e zbatimit;

ii) mbikëqyrjen e rregullt për organizmat dhe sëmundjet e dëmshëm, të listuara në aneksin 2, të këtij vendimi;

iii) marrjen e mostrave dhe t’i dërgojnë ato në laboratorin e akredituar për analizat, si dhe të marrin masat e nevojshme për zvogëlimin e rrezikut të shfaqjes ose përhapjes së tyre;

c) Mbajtjen e regjistrit të të dhënave për mbikëqyrjen e organizmave dhe të sëmundjeve të dëmshëm, në lidhje me:

i) datën e shfaqjes së mundshme për çdo organizëm dhe sëmundje të dëmshëm, të listuar në aneksin 2 të këtij vendimi dhe të gjitha masat që

merren për parandalimin e përhapjen e tij, veçanërisht në lidhje me trajtimet ose heqjen dhe shkatërrimin e materialeve të shumëzimit dhe/ose të fidanëve;

ii) datën dhe metodën e marrjes së mostrave të bimëve ose të tokës;

ç) Të njoftojnë, menjëherë, inspektorin përgjegjës fitosanitar, në rast të shfaqjes ose dyshimit të shfaqjes së organizmave karantinorë;

d) Të mundësojnë kryerjen e mbikëqyrjes ose inspektimit zyrtar, marrjen e mostrave zyrtare, kur është e nevojshme për analiza në një laborator me pajisje dhe ekspertizë të përshtatshme dhe, menjëherë pas inspektimit, të marrin masat për zbatimin e detyrave të lëna nga inspektori përgjegjës fitosanitar;

dh) Të sigurojnë që lotet ose porcionet e veçanta të materialeve të shumëzimit dhe/ose të fidanëve, gjatë prodhimit, magazinimit, përgatitjes për treg dhe tregtimit, janë të ndara;

e) Të mbajnë shënime për origjinën e materialeve të shumëzimit të përdorura për prodhimin e fidanëve të bimëve zbukuruese. Furnizuesit duhet të mbajnë shënime për speciet, varietetin, numrin referues të lotit ose porcionit, sasinë, datën e marrjes ose blerjes dhe të dhënat e prejardhjes së materialeve të shumëzimit dhe/ose të fidanëve në lidhje me furnizuesin dhe vendin e prodhimit;

ë) Të mbajnë shënime për prodhimin, blerjen, specien, varietetin, sasinë, numrin referues të lotit ose porcionit, sasinë dhe datën e prodhimit ose të blerjes së materialeve të shumëzimit dhe/ose të fidanëve;

f) Të mbajnë të dhëna për përbërjen e ngarkesave me materiale shumëzimi dhe/ose fidanë që shesin ose shpërndajnë, për datën e shitjes e të shpërndarjes, si dhe numrin referues të lotit ose porcionit, sipas specieve dhe varieteteve;

g) Në rastet kur, para tregtimit, lotet ose porcionet e materialeve të shumëzimit dhe/ose të fidanëve me prejardhje të ndryshme vihen të përziera së bashku, furnizuesi të mbajë regjistrin e përbërjes së një ngarkese, me të dhëna për sasinë, numrin e njësive të loteve ose të porcioneve të veçanta, që përbëjnë lotin ose porcionin e përzier;

gj) Të mbajnë të dhënat për dokumentet dhe etiketat e furnizuesit, të nxjerra në përputhje me kërkesat e përcaktuara për materialet e shumëzimit dhe/ose fidanët që tregtohen në

porcione, sipas përcaktimit të këtij vendimi për paketimin dhe etiketimin.

3. Furnizuesit ruajnë të dhënat e përcaktuara në shkronjat “b”, “c”, “e”, “ë”, “f”, “g” dhe “gj”, të pikës 2 të këtij kreu, si dhe provat në bazë të të cilave ata i kanë regjistruar të dhënat për të paktën tre vjet pas kalimit të vitit kalendarik, kur të dhënat janë regjistruar.

4. Furnizuesit, veprimtaria e të cilëve përqendrohet vetëm në tregtimin e materialeve të shumëzimit dhe të fidanëve në blerjen me shumicë, brenda dhe jashtë vendit, si dhe shitjen me shumicë e pakicë, mbajnë të regjistruara, për të paktën 12 muaj, shënimet përkatëse për datën dhe sasinë e blerjeve, shitjeve, shpërndarjeve të tyre sipas specieve, varieteteve e numrit të referencës për lotin ose porcionin.

IV. KËRKESAT PËR CERTIFIKIMIN E MATERIALEVE TË SHUMËZIMIT DHE FIDANËVE TË BIMËVE ZBUKURUESE

IV.1 Kërkesa për certifikim

1. Certifikimi i materialeve të shumëzimit dhe /ose të fidanëve të bimëve zbukuruese kryhet mbi bazën e prodhimit të deklaruar nga furnizuesi në kërkesën e paraqitur tek autoriteti certifikues, sipas rregullave të mëposhtme:

a) Kërkesa paraqitet çdo vit, jo më vonë se data 30 prill ose, në rastin e bimëve me disa cikle vegetacioni në një vit, jo më vonë se një muaj para fillimit të prodhimit dhe përmban të dhëna për:

i) furnizuesin;

ii) aktivitetin që kryhet;

iii) personin përgjegjës të kualifikuar;

iv) materialet e shumëzimit dhe/ose fidanët e bimëve zbukuruese.

b) Forma, përmbajtja e kërkesës dhe dokumentacioni që i bashkëngjitet kërkesës është sipas modelit 1, të aneksit 4, bashkëngjitur këtij vendimi;

c) Autoriteti certifikues shqyrton kërkesën për certifikim brenda 20 ditëve pune nga paraqitja e saj dhe njofton zyrtarisht furnizuesit për pranimin ose jo të kërkesës, brenda 10 ditëve pune pas përfundimit të shqyrtimit;

ç) Kërkesa e furnizuesit për certifikim pranohet, nëse:

i) është paraqitur dhe plotësuar në përputhje me kërkesat e përcaktuara në shkronjën “a” dhe “b”, të pikës 1, të këtij kreu;

ii) materialet e shumëzimit dhe fidanët prodhohen, etiketohen dhe vendosen në treg nga persona përgjegjës të kualifikuar;

iii) materialet e shumëzimit dhe/ose fidanët që kërkohen për certifikim u përkasin varieteteve ose në rastin e nënshartesave, u përkasin specieve dhe hibrideve ndërmjet tyre e që janë regjistruar në katalogun kombëtar;

iv) modeli i etiketës së propozuar nga furnizuesi është në përputhje me kërkesat e këtij vendimi dhe modeli i certifikatës së origjinës është sipas modelit 5, të aneksit 4, të këtij vendimi.

2. Në rastet kur, sipas legjislacionit në fuqi për mbrojtjen e bimëve, materialet e shumëzimit dhe/ose fidanët e bimëve zbukuruese duhet të shoqërohen me pasaportë bimore, së bashku me kërkesën e përcaktuar në pikën 1 të këtij kreu, furnizuesi paraqet kërkesë pranë strukturave të shërbimit të mbrojtjes së bimëve për pajisjen me pasaportë bimore.

IV.2 Procedurat e lëshimit të certifikatës zyrtare për materialet e shumëzimit dhe/ose për fidanët e bimëve zbukuruese

1. Furnizuesi që prodhon materiale shumëzimi dhe/ose fidanë të bimëve zbukuruese për tregtim lejohet t'i tregtojë ato pasi të jenë certifikuar nga autoriteti certifikues dhe të jetë autorizuar për nxjerrjen dhe lëshimin e etiketave e të dokumenteve të tjera të furnizuesit.

2. Autoriteti certifikues lëshon certifikatën kur, nga mbikëqyrja e ushtruar, rezulton se plotësohen kërkesat e përcaktuara në këtë vendim.

3. Autoriteti certifikues, të paktën një herë gjatë ciklit të vegjetacionit, kryen mbikëqyrje për të verifikuar nëse furnizuesi plotëson detyrimet e përcaktuara në kreun III të këtij vendimi e, veçanërisht, nëse:

a) materialet e shumëzimit dhe/ose fidanët që prodhon janë në përputhje me planin e prodhimit, të përcaktuar në pikën 2, të kreut III, të këtij vendimi;

b) kryen me korrektësi vërtetimet për organizmat dhe sëmundjet e dëmshëm të bimëve, në vendin dhe objektet ku materialet e shumëzimit dhe/ose fidanët prodhohen e përgatiten për treg;

c) mban të dhënat e përcaktuara dhe ruan evidencën, në përputhje me pikën 4, të kreut III, të këtij vendimi;

ç) mostrat për analiza janë marrë në përputhje me planin e prodhimit, si më poshtë vijon:

i) në kohën e duhur;

ii) në mënyrën e duhur teknike;

iii) duke përdorur metodë statistikore të besueshme;

d) analiza e mostrës është kryer nga laboratorit i akredituar.

4. Gjatë mbikëqyrjes që autoriteti certifikues kryen te furnizuesi, në përputhje me përcaktimet e pikës më lart, kontrollon planin e prodhimit, veçanërisht për sa u përket përshtatshmërisë dhe besueshmërisë së metodave të përdorura për monitorimin dhe mbikëqyrjen e organizmave e të sëmundjeve të dëmshëm, të specifikuar në aneksin 2 të këtij vendimi, duke përfshirë planin për marrjen e mostrave në faza të ndryshme të prodhimit ose në intervale të përshtatshme kohore.

5. Në bazë të të dhënave nga mbikëqyrjet e kryera dhe nga aktverifikimet e mbajtura në vend, sipas modeleve 2/1 dhe 3/1, të aneksit 4, autoriteti certifikues i lëshon furnizuesit certifikatën zyrtare sipas modeleve 2 e 3, të aneksit 4, të këtij vendimi.

6. Nëse vërtetohet se materialet e shumëzimit, që përdoren për prodhimin e fidanëve, plotësojnë kërkesat dhe gjatë rritjes, jo më pak se dy muaj para shkuljes ose lëvizjes së fidanëve për tregtim, autoriteti certifikues autorizon furnizuesin për nxjerrjen e etiketës dhe të certifikatës së origjinës. Përmbajtja dhe forma e autorizimit është sipas modelit 4, të aneksit 4, të këtij vendimi.

7. Gjatë paketimit dhe vendosjes së etiketave furnizuesi mbikëqyret nga autoriteti certifikues, i cili vërteton sasinë përfundimtare të materialeve të shumëzimit dhe të fidanëve të prodhuar në fidanishte, plotësimin e kërkesave të cilësisë, paketimin dhe etiketimin, si dhe numrin e etiketave të lëshuara nga furnizuesi.

8. Për speciet e gjinive *Malus Mill.*, *Prunus L.*, *Pyrus L.* dhe *Citrus*, që përfshihen në listën e aneksit 1, bashkëlidhur këtij vendimi, certifikimi kryhet sipas kriterëve të përcaktuara për materialet e shumëzimit dhe fidanët e bimëve drufrutore sipas legjislacionit në fuqi, ndërsa për speciet e gjinive që u përkasin bimëve pyjore, si *Pinus nigra* etj., certifikimi kryhet sipas kriterëve të përcaktuara për materialet riprodhuese pyjore, sipas legjislacionit në fuqi.

V. DISPOZITA KALIMTARE DHE TË FUNDIT

1. Materialet e shumëzimit dhe fidanët e bimëve zbukuruese, të cilët deri në hyrjen në fuqi të këtij vendimi janë prodhuar në përputhje me legjislacionin e mëparshëm, mund të tregtohen deri më 30 shtator 2016.

2. Materialet e shumëzimit dhe fidanët e pashitur, pas datës 30 shtator 2016, ricertifikohen, për të plotësuar kërkesat për tregtim dhe certifikim sipas këtij vendimi.

3. Ngarkohen Ministria e Bujqësisë, Zhvillimit Rural dhe Administrimit të Ujërave, Enti Shtetëror i Farave dhe Fidanëve dhe Autoriteti Kombëtar i Ushqimit për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDESKRYEMINISTRI
Niko Peleshi

ANEKSI 1

LISTA E GJINIVE DHE SPECIEVE TË PËRMENDURA NË PIKËN 2, TË NËNKREUT I.1, TË KREUT I, TË KËTJË VENDIMI²

- Begonia x hiemalis Fotsch - Begonia
- Elatior-Begonia
- Pelargonium L.- Barbarosa
- Pelargonium (zonale, ivy-leaved, regal)
- Dendranthema x grandiflorum- Margarita
- (Ramat.) Kitam.
- Chrysanthemum (florists chrysanthemum)
- Dianthus caryophyllus L. and hybrids- Karafili
- Carnation
- Euphorbia pulcherrima Wild ex Kletsch- Lulja e Krishtlindjeve
- Gerbera L.- Gerbera
- Gerbera
- Phoenix- Palma
- Rosa- Trëndafili
- Citrus (ornamental)- Agrumet zbukuruese
- Malus Miller (ornamental)- Molla zbukuruese
- Ornamental Apple
- Pinus nigra (ornamental)- Pisha e zezë zbukuruese
- Prunus L. (ornamental) Ornamental
- Cherry- Qershia zbukuruese
- Pyrus L. (ornamental) Ornamental
- Pear- Dardha zbukuruese
- Lilium L.
- Lily- Zambaku
- Gladiolus L.
- Gladiolus- Zambak shpatë, lule gladiola
- Narcissus L. Daffodil.-
- Narcis i verdhë,

² Sipas "ANNEX 1", të direktivës së Këshillit 91/682/EEC, e datës 19 dhjetor 1991, për tregtimin e materialeve shumëzuese të bimëve zbukuruese dhe të bimëve zbukuruese.

ANEKSI 2
LISTA E ORGANIZMAVE DHE SËMUNDJEVE SPECIFIKË, TË DËMSHËM QË PREKIN
CILËSINË³

Gjinia ose specia	Organizmat dhe sëmundjet e dëmshëm specifikë
Begonia x hiemalis Fotsch - BEGONIA	Insektet, akaret dhe nematodat në gjithë fazat e zhvillimit të tyre: — Aleurodidae, veçanërisht” <i>Bemisia tabaci</i> — Aphelenchoides spp. — Ditylenchus destructor — Meloidogyne spp. — Myzus ornatus — Otiorrhynchus sulcatus — Sciara — Thysanoptera, veçanërisht <i>Frankliniella occidentalis</i> Bakteret: — Erwinia chrysanthemi — Rhodococcus fascians — Xanthomonas campestris pv. begoniae Sëmundjet kërpudhore: — Powdery mildew — Stem rot pathogens (Phytophthora spp., Pythium spp. and Rhizoctonia spp.) Viruset dhe organizmat e ngjashëm me viruset dhe, veçanërisht: — Leafcurl disease — Tospoviruses (Tomato spotted wilt virus, Impatiens necrotic spot virus)
Citrus AGRUMET	Insektet, akaret dhe nematodat në gjithë fazat e zhvillimit të tyre: — Aleurothrixus floccosus (Mashell) — Meloidogyne spp. — Parabemisia myricae (Kuwana) — Tylenchulus semipenetrans Sëmundjet kërpudhore; — Phytophthora spp. Viruset dhe organizmat e ngjashëm me viruset dhe, veçanërisht: — Viroids such as exocortis, cachexia-xyloporosis — Diseases that induce psorosis - like young leaves — symptoms such as: — psorosis, ring spot, cristicortis, impietratura, concave gum — Infectious variegation — Citrus leaf rugose
Dendranthema x Grandiflorum (Ramat) Kitam -MARGERITA (KRIZANTEMA)	Insektet, akaret dhe nematodat në gjithë fazat e zhvillimit të tyre: — Agromyzidae — Aleurodidae, veçanërisht <i>Bemisia tabaci</i> — Aphelencoides spp. — Diarthronomia chrysanthemi — Lepidoptera, veçanërisht <i>Cacoecimorpha pronubana</i>, <i>Epichoristodes Acerbella</i> — Thysanoptera, veçanërisht: <i>Frankliniella occidentalis</i>

³ Sipas aneksit të direktivës së komisionit 93/49 të 23 qershor 1993, që përcakton listën që tregon kushtet që duhet të plotësohen nga materiali shumëzues i bimëve zbukuruese dhe nga bimët zbukuruese në përputhje me direktivën e Këshillit 91/682/EEC.

	Bakteret: — Agrobacterium tumefaciens — Erwinia chrysanthemi Sëmundjet kërpudhore: — Fusarium oxisporum spp. chrysanthemi — Puccinia chrysanthemi — Pythium spp. — Rhizoctonia solani — Verticillium spp. Viruset dhe organizmat e ngjashëm me viruset dhe, veçanërisht: — Chrysanthemum B mosaic virus — Tomato aspermy cucumovirus
Dianthus Caryophyllus L. and hybrids KARAFILAT	Insektet, akaret dhe nematodat në gjithë fazat e zhvillimit të tyre: — Agromyzidae — Aleurodidae, veçanërisht: <i>Bemisia tabaci</i> — Thysanoptera, veçanërisht: <i>Frankliniella occidentalis</i> — Lepidoptera, veçanërisht: <i>Cacoecimorpha pronubana</i>, <i>Epichoristodes acerbella</i> Sëmundjet kërpudhore: — Alternaria dianthi — Alternaria dianthicola — Fusarium oxisporum f. spp. dianthi — Mycosphaerella dianthi — Phytophthora nicotiana spp. parasitica — Rhizoctonia solani — Stem rot: Fusarium spp. and Pythium spp. — Uromyces dianthi Viruset dhe organizmat e ngjashëm me viruset dhe, veçanërisht: — Carnation etched ring caulimovirus — Carnation mottle carmovirus — Carnation necrotic fleck closterovirus — Tospoviruses (Tomato spotted wilt virus, Impatiens necrotic spot virus)
Euphorbia pulcherrima (Wild ex Kletzh) LULJAE KRISHTLINDJEVE	Insektet, akaret dhe nematodat në gjithë fazat e zhvillimit të tyre: — Aleurodidae, veçanërisht: <i>Bemisia tabaci</i> Bakteret: — Erwinia chrysanthemi Sëmundjet kërpudhore: — Fusarium spp. — Pythium ultimum — Phytophthora spp. — Rhizoctonia solani — Thielaviopsis basicola Viruset dhe organizmat e ngjashëm me viruset, dhe veçanërisht: Tospoviruses (Tomato spotted wilt virus, Impatiens necrotic spot virus)
— Gerbera L. GERBERA	Insektet, akaret dhe nematodat në gjithë fazat e zhvillimit të tyre: — Agromyzidae — Aleurodidae, veçanërisht: <i>Bemisia tabaci</i> — Aphelenchoides spp. — Lepidoptera — Meloidogyne — Thysanoptera, veçanërisht:

	<i>Frankliniella occidentalis</i> Sëmundjet kërpudhore: — Fusarium spp. — Phytophthora cryptogea — Powdery mildew — Rhizoctonia solani — Verticillium spp. Viruset dhe organizmat e ngjashëm me viruset, dhe veçanërisht: Tospoviruses (Tomato spotted wilt virus, Impatiens necrotic spot virus)
— Gladiolus L. GLADIOLAT (LULE SHPATA)	Insektet, akaret dhe nematodat në gjithë fazat e zhvillimit të tyre — Ditylenchus dipsaci — Thysanoptera, veçanërisht: <i>Frankliniella occidentalis</i> Bakteret: — Pseudomonas marginata — Rhodococcus fascians Sëmundjet kërpudhore: — Botrytis gladiolorum — Curvularia trifolii — Fusarium oxisporum spp. gladioli — Penicillium gladioli — Sclerotinia spp. — Septoria gladioli — Urocystis gladiolicola — Uromyces transversalis Viruset dhe organizmat e ngjashëm me viruset dhe veçanërisht: — Aster yellow mycoplasma — Corky pit agent — Cucumber mosaic virus — Gladiolus ringspot virus (syn. Narcissus latent virus) — Tobacco rattle virus Të tjerë organizma të dëmshëm: — Cyperus esculentus
— Lilium L. ZAMBAKORE	Insektet, akaret dhe nematodat në gjithë fazat e zhvillimit të tyre: — Aphelenchoides spp. — Rhyzoglyphus spp. — Pratylenchus penetrans — Rotylenchus robustus — Thysanoptera, veçanërisht: <i>Frankliniella occidentalis</i> Bakteret: — Erwinia carotovora subsp. carotovora — Rhodococcus fascians Sëmundjet kërpudhore: — Cylindrocarpon destructans — Fusarium oxisporum f. sp. lili — Pythium spp. — Rhizoctonia spp. — Rhizopus spp. — Sclerotium spp. Viruset dhe organizmat e ngjashëm me viruset dhe, veçanërisht: — Cucumber mosaic virus — Lily symptomless virus — Lily virus x — Tobacco rattle virus

	— Tulip breaking virus
	Të tjerë organizma të dëmshëm: — Cyperus esculentus
— Malus Miller MOLLA ZBUKURUESE	Insektet, akaret dhe nematodat në gjithë fazat e zhvillimit të tyre: — Anarsia lineatella — Eriosoma lanigerum — Scale insects, veçanërisht: <i>Epidiaspis leperii</i> , <i>Pseudaulacaspis pentagona</i> , <i>Quadraspidiotus perniciosus</i>
	Bakteret: — Agrobacterium tumefaciens — Pseudomonas syringae pv. syringae
	Sëmundjet kërpudhore: — Armillariella mellea — Chondrostereum purpureum — Nectria galligena — Phytophthora cactorum — Rosellinia necatrix — Venturia spp. — Verticillium spp.
	Viruset dhe organizmat e ngjashëm me viruset: Të gjitha
— Narcissus L. NARCIS I VERDHË	Insektet, akaret dhe nematodat në gjithë fazat e zhvillimit të tyre: — Aphelenchoides subtenis — Ditylenchus destructor — Eumerus spp. — Merodon equestris — Pratylenchus penetrans — Rhizoglyphidae — Tarsonemidae
	Sëmundjet kërpudhore: — Fusarium oxysporum f. sp. narcissi — Sclerotinia spp. — Sclerotium bulborum
	Viruset dhe organizmat e ngjashëm me viruset dhe, veçanërisht: — Tobacco rattle virus — Narcissus white streak agent — Narcissus yellow stripe virus
	Të tjerë organizma të dëmshëm — Cyperus esculentus
— Pelargonium L. BARBAROZA	Insektet, akaret dhe nematodat në gjithë fazat e zhvillimit të tyre: — Aleurodidae, veçanërisht: <i>Bemisia tabaci</i> — Lepidoptera — Thysanoptera, veçanërisht: <i>Frankliniella occidentalis</i>
	Bakteret: — Rhodococcus fascians — Xanthomonas campestris pv. pelargonii
	Sëmundjet kërpudhore: — Puccinia pelargonii zonalis — Stem rot pathogens (Botrytis spp., Pythium spp.) — Verticillium spp.
	Viruset dhe organizmat e ngjashëm me viruset dhe, veçanërisht:

	— Pelargonium flower break carmovirus — Pelargonium leaf curl tomosvirus — Pelargonium line pattern virus — Tospoviruses (Tomato spotted wilt virus, Impatiens necrotic spot virus)
— Phoenix PALMA	Insektet, akaret dhe nematodat në gjithë fazat e zhvillimit të tyre: — Thysanoptera
	Sëmundjet kërpudhore: — Exosporium palmivorum — Gliocladium wermoeseni — Graphiola phoenicis — Pestalozzia Phoenicis — Pythium spp.
	Viruset dhe organizmat e ngjashëm me viruset : Të gjitha
— Pinus nigra PISHA E ZEZË ZBUKURUESE	Insektet, akaret dhe nematodat në gjithë fazat e zhvillimit të tyre: — Blastophaga spp. — Rhyacionia buoliana
	Sëmundjet kërpudhore — Ophodermium seditiosum
	Viruset dhe organizmat e ngjashëm me viruset dhe, veçanërisht: Të gjitha
Prunus L. (bërthamorët) QERSHIA ZBUKURUESE	Insektet, akaret dhe nematodat në gjithë fazat e zhvillimit të tyre: — Capnodis tenebrionis — Meloidogyne spp. — Scale insects, veçanërisht: <i>Epidiaspis leperii</i> , <i>Pseudaulacaspis pentagona</i> , <i>Quadraspidiotus perniciosus</i>
	Bakteret: — Agrobacterium tumefaciens — Pseudomonas syringae pv. mors prunorum — Pseudomonas syringae pv. syringae
	Sëmundjet kërpudhore: — Armillariella mellea — Chondrostereum purpureum — Nectria galligena — Rosellinia necatrix — Taphrina deformans — Verticillium spp.
	Viruset dhe organizmat e ngjashëm me viruset dhe, veçanërisht: <i>Prune dwarf virus</i> <i>Prunus necrotic ringspot virus</i>
— Pyrus L. DARDHA ZBUKURUESE	Insektet, akaret dhe nematodat në gjithë fazat e zhvillimit të tyre: — Anarsia lineatella — Eriosoma lanigerum — Scale insects, veçanërisht <i>Epidiaspis leperii</i> , <i>Pseudaulacaspis pentagona</i> , <i>Quadraspidiotus perniciosus</i>
	Bakteret: — Agrobacterium tumefaciens — Pseudomonas syringae pv. syringae
	Sëmundjet kërpudhore: — Armillariella mellea — Chondrostereum purpureum — Nectria galligena

— Rosa TRËNDAFILI	— Phytophthora spp. — Rosellinia necatrix — Verticillium spp.
	Viruset dhe organizmat e ngjashëm me viruset: Të gjitha
	Insektet, akaret dhe nematodat në gjithë fazat e zhvillimit të tyre: — Lepidoptera, veçanërisht: <i>Epichoristodes acerbella</i> , <i>Cacoecimorpha pronubana</i> — Meloidogyne spp. — Pratylenchus spp. — Tetranychus urticae
	Bakteret: — Agrobacterium tumefaciens
	Sëmundjet kërpudhore: — Chondrostereum purpureum — Coniothyrium spp. — Diplocarpon rosae — Peronospora sparsa — Phragmidium spp. — Rosellinia necatrix — Sphaeroteca pannosa — Verticillium spp.
	Viruset dhe organizmat e ngjashëm me viruset dhe, veçanërisht: — Apple mosaic virus — Arabis mosaic nepovirus — Prunus necrotic ringspot virus

ANEKSI 3 KËRKESAT PËR PAKETIMIN DHE ETIKETIMIN

1. Materiali shumëzues tregtohet në lote ose porcione të paketuara dhe të etiketuara nga furnizuesi në paketa për një ose më shumë copë së bashku, me kusht që:

a) të sigurohet origjinaliteti i paketimit dhe etiketimit;

b) paketimi të jetë i tillë që nuk mund të hapet pa lënë shenja të dukshme në etiketë ose në paketim;

c) materiali i përdorur për paketim të jetë i tillë që të mbrojnë materialin shumëzues ose fidanët nga dehidratimi, temperaturat e ulëta dhe dëmtime të tjera që mund të ndodhin gjatë transportit ose tregtimit. Për çdo njësi të pakeluar individualisht vendoset një etiketë e furnizuesit.

2. Në rastin kur para tregtimit vendosen së bashku ose të përziera lote, porcione ose tufa, furnizuesi mban një regjistër me të dhëna të dokumentuara në përputhje me përcaktimin e bërë në shkronjën “g”, të pikës 2, të kreut III, të këtij vendimi.

3. Etiketa e furnizuesit, e prodhuar për materialet e shumëzimit dhe fidanët e bimëve zbukuruese, duhet të jetë nga material i qëndrueshëm ndaj agentëve atmosferikë dhe i papërdorur.

4. Etiketa e furnizuesit përmban informacionin e detyrueshëm, si më poshtë vijon:

- shteti: (emri i shtetit, Republika e Shqipërisë, “RSH”);

- organi zyrtar, përgjegjës për certifikimin ose kodi i tij dallues;

- furnizuesi: (emri i furnizuesit dhe adresa);

- kodi i regjistrimit të furnizuesit: (numri);

- loti /lotet ose ngarkesa: (numri ose numrat referues të tyre ose serisë);

- data e lëshimit të etiketës së furnizuesit;

- lloji: (emërtimi i materialit shumëzues ose i fidanit të bimëve zbukuruese, i shartuar ose i pashartuar);

- specia: (emri botanik);

- varieteti/hibridi: (emri i varietetit/hibridit);

- nënshartesa: (sipas rastit: emri i varietetit/hibridit ose kodi i tij bazë);

- sasia;

- vendi i prodhimit: (emri i shtetit në rastin e importeve nga vendet e tjera).

5. Nëse materialet e shumëzimit dhe fidanët e bimëve zbukuruese shoqërohen me një pasaportë bimore, në përputhje me rregullat e përcaktuara në legjislacionin për mbrojtjen e bimëve, pasaporta bimore do të konsiderohet si etiketë ose dokument i furnizuesit, me kusht që furnizuesi duhet të japë informacionin e mëposhtëm shtesë, i cili mund të jetë dokument i njëjtë me pasaportën bimore, por i ndarë në mënyrë të qartë nga të dhënat e tjera:

- organi zyrtar, përgjegjës që autorizon lëshimin e pasaportës bimore:

- varieteti/hibridi:

- nënshartesa: (sipas rastit: emri i varietetit, hibridit ose kodi i saj bazë)

- vendi i prodhimit:

6. Në rastin e materialeve të shumëzimit dhe/ose të fidanëve të specieve të përfshira në listën e specieve dhe hibrideve artificiale, të përcaktuara në rregullat për materialin riprodhues pyjor, sipas rastit, etiketa dhe pasaporta bimore, të përcaktuara në pikat 4 e 5 të këtij aneksi, duhet të përmbajnë treguesin e detyrueshëm “JO PËR NË PYLLTARI”.

7. Nëse materiali shumëzues është farë e trajtuar me një produkt për mbrojtjen e bimëve (që më pas do të shkruhet “PMB”), etiketa ose dokumenti i furnizuesit ose pasaporta bimore, të përcaktuara më sipër, duhet të përfshijnë treguesin “trajtuar me: dhe emri i PMB-së”.

8. Në rastin kur materialet e shumëzimit dhe/ose fidanët e bimëve zbukuruese destinohen për përdorim përfundimtar nga persona në tregun vendor, të cilët nuk janë të përfshirë profesionalisht në prodhimin dhe shitjen e materialeve të shumëzimit dhe/ose të fidanëve, nuk është e nevojshme që furnizuesit t’u përmbahen kërkesave të përcaktuara në pikat 1 dhe 2 të këtij aneksi. Në këtë rast, furnizuesit pajisin materialet e shumëzimit dhe/ose fidanët me informacionin bazë, si më poshtë vijon:

- emri botanik:

- emri i varietetit:

- emri/emërtimi i nënshartesës:

9. Rregullat e përcaktuara në pikën 8 nuk zbatohen në rastin e materialeve të shumëzimit dhe/ose fidanëve që, në përputhje me legjislacionin për mbrojtjen e bimëve, duhet të shoqërohen nga një pasaportë bimore në të gjitha fazat e lëvizjes ose të tregtimit me qëllim të kultivimit të mëtejshëm ose deri duke përfshirë dhe tregtinë me pakicë.

10. Për të treguar emrin e varietetit të përdorur për materialet e shumëzimit dhe/ose fidanët ose, në rastin e nënshartesave, emrin ose emërtimin e nënshartesës, furnizuesit duhet të kenë parasysh nëse varieteti plotëson kërkesat, si më poshtë vijon:

a) është i njohur dhe i mbrojtur, në përputhje me legjislacionin në fuqi për mbrojtjen e varieteteve të reja dhe të të drejtave të seleksionerit të bimëve;

b) është i regjistruar në katalogun kombëtar të varieteteve.

ANEKSI 4

DOKUMENTET PËR CERTIFIKIM

Model 1

KËRKESË PËR CERTIFIKIM

Të: -- bllokut të bimëve mëmë ☐

➤ parcelës së farës ☐

➤ fidanishtes së materialeve të shumëzimit dhe fidanëve të bimëve zbukuruese ☐

Drejtuar: Organit certifikues _____

I nënshkruari _____, në cilësinë e furnizuesit për prodhimin, _____ prodhimin dhe tregtimin, _____ përgatitjen për treg dhe tregtimin _____ e materialeve të shumëzimit dhe/ose fidanëve të bimëve zbukuruese, kërkoj aprovimin e bllokut të bimëve mëmë ose dhe të fidanishtes, për prerjen, marjen, shkuljen dhe lëvizjen e materialeve të shumëzimit dhe fidanëve të bimëve zbukuruese si vijon:

a) Të dhëna për furnizuesin:

1. Emri e mbiemri: _____, emërtimi i subjektit (firmës) _____

2. Adresa: e vendbanimit _____, e zyrës _____

3. Vendndodhja e aktivitetit: _____

4. Kodi i furnizuesit: _____,

5. Numri i licencës: _____

b) Të dhëna për personin përgjegjës të kualifikuar:

1. Emri e mbiemri: _____,

2. Adresa: e vendbanimit _____, e zyrës _____

3. Arsimi: _____,

4. Specializimi: _____

c) Të dhëna për bllokun e bimëve mëmë ☐ ose dhe parcelës së farës ☐ për certifikim dhe parashikimi i prodhimit të materialeve të shumëzimit:

Nr.	Speciet, varietetet dhe/ose, për nënshartesa, hibridet ndërmjet specieve.	Sipërfaqja m ²	Numri i bimëve gjithsej	Parashikim prodhimi për vitin në vijim							
				Sytha për shartim	Kalema për shartim	Kalema për rrënjëzim	Fundakë Copë	Kamza për rrënjëzim copë	Lastunja copë	Fara kg	Copa të rrënjëzuara ose për rrënjëzim copë
	Gjithsej										
1.	Specia										
	Varieteti										

d) Të dhëna për fidanishten

Nr.	Speciet, varietetet dhe/ose, për nënshartesa, filizat sipas specieve dhe hibridet ndërmjet specieve.	Sipërfaqja gjithsej m ²	Nga kjo:		Parashikimi i prodhimit për tregtim, për vitin në vijim, rrënjë			
			Për nënshartesa (farishte, vijë fidanishte, copa për rrënjëzim etj.) m ²	Për fidanë (nga shartesa etj. deri te fidanët për shkullje)	Fidanë	Materiale shumëzimi		
	Gjithsej							
1.	Specia							
	Varieteti							

Bashkëngjitur kërkesës së përmendur më sipër është plani i prodhimit, me përmbajtje si vijon:

i) në rastin e bllokut mëmë të bimëve shumëvjeçare: planvendosja e bllokut mëmë me të gjitha të dhënat e detajuara në skemën e mbjelljes për speciet, varietetet dhe në rastin e nënshartesave, për hibridet ndërmjet specieve, si dhe origjina e tyre;

ii) në rastin e prodhimit të fidanëve: një dokument në lidhje me çdo fushë të fidanishtes, i cili të përmbajë:

- kopje të hartës së regjistratit të tokës ku tregohet blloku i bimëve mëmë, parcela/t e farës dhe/ose fidanishtja me të gjitha fushat dhe mjediset e saj;

- skemën e ngritjes së bllokut mëmë ose dhe planin e mbjelljes të fidanishtes (sipas specieve dhe kombinimeve të shartuara, varieteti i mbishartesës dhe nënshartesës);

- të dhënat për metodat e prodhimit të materialeve të shumëzimit dhe fidanëve të bimëve zbukuruese, për materialet e shumëzimit të përdorura për prodhimin e fidanëve zbukurues dhe regjistrat e ekzaminimeve të kryera dhe masat e zbatuara, duke pasur parasysh, në veçanti, kontrollin dhe mbikëqyrjen e organizmave të dëmshëm e të sëmundjeve;

- të dhënat mbi përshtatshmërinë e tokës për çdo fushë të fidanishtes.

iii) në lidhje me etiketat: dy kopje të modelit të etiketës që furnizuesi propozon të lëshojë për materialet e shumëzimit dhe fidanët e bimëve zbukuruese, me përmbajtje sipas pikës 4, të aneksit 3, bashkëlidhur këtij vendimi;

Shënim. Deklaroj se jam i informuar për detyrimet e furnizuesit që lëshon etiketat dhe dokumentet e tjera të furnizuesit, në përputhje me ligjin për materialin mbjellës dhe me këtë vendim.

Kërkesuesi

(emri e mbiemri i furnizuesit ose i përfaqësuesit të tij)
firma e vula

_____, më _____ 201____

E vlefshme deri më 30 prill të një viti më pas.

ANEKSI 4

Model 2

Organi certifikues _____

Nr. i serisë _____

CERTIFIKATË ZYRTARE për bllokun mëmë

☐ dhe/ose për parcelën e farës ☐ **të bimëve zbukuruese**

Lëshuar furnizuesit: (emri e mbiemri) _____ , (emërtimi i subjektit) _____ ,
Adresa: e vendbanimit _____ ,
Vendndodhja e aktivitetit: _____
Kodi i furnizuesit: _____

Bazuar në mbikëqyrjen e kryer nga autoriteti certifikues në datën, _____ , sipas ligjit nr. 10416, datë 7.4.2011, “Për materialin mbjellës dhe shumëzues bimor”, pasi është konstatuar se përmbushen kërkesat e përcaktuara,
 Certifikon bllokun mëmë ☐ , **parcelën e farës** ☐ , që vijon:

a) blloku i mëmë ☐ , **parcela e farës** ☐ , është ngritur në ngastrën me nr. pasurie _____ , në zonën kadastrale nr. _____ , në vendin e quajtur _____ , fshati _____ , komuna _____ , rrethi _____ qarku _____ , me sipërfaqe _____ m² dhe me _____ rrënjë bimë mëmë gjithsej.

Të dhënat për mbjelljen e bllokut mëmë ☐ **dhe/ose parcela e farës** ☐ , sipas specieve, varieteteve dhe, për nënshartesat, dhe hibrideve ndërmjet specieve, janë si vijon:

Nr.	Speciet, varietetet dhe/ose, për nënshartesat, hibridet ndërmjet specieve	Sipërfaqja m ²	Numri i bimëve gjithsej rrënjë	Sipas destinacionit, rrënjë							
				Për sytha për shartim	Për kalema për shartim	Për kalema për rrënjëzim	Për fun-dakë Copë	Për kamza për rrënjëzim	Për lastunja	Për fara	Për copa për rrënjëzim
	Gjithsej										
1.	Specia										
	Varieteti										

Bashkëngjitur janë dokumentet e plotësuar nga personi i ngarkuar nga autoriteti i certifikimit për të mbikëqyrur plotësimin e kërkesave për certifikim në lidhje me planin e prodhimit të paraqitur nga furnizuesi.

Certifikuesi _____
 Emri, mbiemri e firma Vula _____

Lëshuar më _____ 201_

E vlefshme deri më 30 prill të një viti më pas.

ANEKSI 4

Model 2/1

Organi certifikues _____

Akt verifikimi

Për plotësimin e kërkesave për certifikim nga blloku mëmë ☐ dhe/ose nga parcela e farës ☐

Nga verifikimi i kryer për gjendjen në terren dhe nga mbikëqyrja e dokumentacionit përkatës të mbajtur në datën _____, rezulton si vijon:

Nr.	Kërkesat që duhet të plotësohen për t'u certifikuar	Plotësuar Po ose Jo	Nëse Jo: Afati kur duhet të plotësohet (nëse është e mundur)	Vërejtje

Si përfundim: _____

Personi i ngarkuar nga organi certifikues

Furnizuesi

(emri e mbiemri, firma)

(emri e mbiemri, firma)

ANEKSI 4

Model 3

Organi certifikues _____

Nr. i serisë _____

CERTIFIKATË ZYRTARE

për fidanishten

Lëshuar furnizuesit: (emri e mbiemri) _____ , (emërtimi i objektit) _____
adresa: e vendbanimit _____ ,
vendndodhja e aktivitetit: _____
kodi i furnizuesit: _____

Bazuar në mbikëqyrjen e kryer nga autoriteti certifikues në datën _____ , sipas ligjit nr. 10416, datë 7.4.2011, “Për materialin mbjellës dhe shumëzues bimor”, pasi është konstatuar se përmbushen kërkesat e përcaktuara,

Certifikon fidanishten që vijon:

a) fidanishtja e materialeve të shumëzimit dhe fidanëve zbukurues është ngritur në ngastrat me nr. pasurie _____ , në zonën kadastrale nr. _____ , në vendin e quajtur _____ , fshati _____ , komuna _____ , rrethi _____ qarku _____ , me sipërfaqe _____ m².

Të dhëna për fidanishten

Nr.	Speciet, varietetet dhe/ose, për nënshartesa, filizat sipas specieve dhe hibridet ndërmjet specieve	Sipërfaqja gjithsej m ²	Nga kjo:		Parashikohet të prodhohen për tregtim, për vitin në vijim, rrënjë			
			Për nënshartesa (farishte, vijë fidanishte, copa për rrënjëzim etj.) m ²	Për fidanë (nga shartesa etj. deri te fidanët për shkullje) m ²	Fidanë	Materiale shumëzimi		
	Gjithsei							
1.	Specia .							
	Varieteti .							

Bashkëngjitur janë dokumentet e plotësuar nga personi i ngarkuar nga autoriteti i certifikimit për të mbikëqyrur plotësimin e kërkesave për certifikim në lidhje me planin e prodhimit të paraqitur nga furnizuesi.

Certifikuesi

(emri, mbiemri e firma vula)

Lëshuar më _____ 201_

E vlefshme deri më 30 prill të një viti më pas.

ANEKSI 4

Model 3/1

Organi certifikues _____

Akt verifikimi Për plotësimin e kërkesave për certifikim të fidanishtes

Nga verifikimi i kryer për gjendjen në terren dhe nga mbikëqyrja e dokumentacionit përkatës të mbajtur në datën _____ rezulton si vijon:

Nr.		Kërkesat që duhet të plotësohen për t'u certifikuar	Plotësuar Po ose Jo	Nëse Jo: Afati (nëse është e mundur) kur duhet të plotësohet	Vërejtje

Si përfundim: _____

Personi i ngarkuar nga organi certifikues

Furnizuesi

(emri e mbiemri, firma)

(emri e mbiemri, firma)

_____, më _____

ANEKSI 4

Model 4

Organi certifikues _____

Nr. i serisë _____

AUTORIZIM **për nxjerrjen e etiketave të furnizuesit dhe certifikatën e origjinës për materialet e shumëzimit dhe** **fidanët zbukurues të certifikuar**

Lëshuar furnizuesit: (emri e mbiemri) _____ , (emërtimi i objektit) _____
adresa e vendbanimit: _____ ,
vendndodhja e aktivitetit: _____
kodi i furnizuesit: _____ .

Bazuar në mbikëqyrjen e kryer nga autoriteti certifikues, sipas ligjit nr. 10416, datë 7.4.2011, “Për materialin mbjellës dhe shumëzues bimor”, në certifikatën zyrtare të bllokut mëmë me nr. serie _____ , lëshuar më 201__ dhe në certifikatën zyrtare të fidanishtes me nr. serie _____ , lëshuar më 201__ , pasi është konstatuar se përmbushen kërkesat e përcaktuara,

A u t o r i z o n,

1. Nxjerrjen e etiketave të furnizuesit për materialet e shumëzimit dhe fidanët e certifikuar, si dhe të certifikatave të origjinës që vijnë;
2. Sasia dhe numri serial i etiketave që autorizohen janë si më poshtë vijon:

Nr.	Emërtimi i llojeve të materialeve të shumëzimit sipas specieve	Varieteti ose sipas rastit për nënshartesat hibridi	Sasia e prodhuar gjithsej copë	Numri i lotit	Etiketat	
					Gjithsej copë	Nr. serial nga _____ deri _____

Bashkëngjitur këtij autorizimi janë modelet e miratuara të etiketës dhe certifikatës së furnizuesit për materialet e shumëzimit.

Certifikuesi

(emri, mbiemri e firma vula)

Lëshuar më _____ 201__

E vlefshme deri më 30 prill të një viti më pas

ANEKSI 4

Model 5

CERTIFIKATË ORIGINË

(nxisrret dhe plotësohet nga furnizuesi dhe ka vlerë pasi nënshkruhet nga certifikuesi)

[illegible]